

Grupo di Betico cu CD dedica na Himno, Bandera y Status Aparte

STA. CRUZ--E popular grupo folkorico, Grupo di Betico ta lanza un cantica promocional anticipando nan CD nobo pa aña 2006 cu lo ta dedica na Himno, Bandera y Status Aparte. Ya for di algun luna caba e integrantenan di Grupo di Betico ta den studio di grabacion bao guia musical di Hildward Croes,

preparando un produccion nobo cu canticanan dedica na Aruba y su hendenan.

E prome cantica promocional di e CD aki ya por wordo scucha na radio emisoranan local. Ta trata di e tema ganador di e festival propio composicion di fin di aña 2005 cual ta hiba e

titulo: Ken Nos Ta? Un composicion di Gos Oduber conhuntamente cu Maikito y Hildward Croes. E CD nobo di Grupo di Betico lo bay contene 15 cantica original den e diferente ritmonan tipico Arubano, esta Wals, Danza, Tumba, y Mazurka. E estilo particular di Grupo di Betico na unda nan ta

combina e instrumentonan acoustico y e harmonia di voznan masculino ta locual ta haci nan produccionnan semper hopi gusta.

E grabacionnan pa e CD nobo aki ta tumando lugar den Vanilla Kingdom Studio bao direccion y produccion musical di Hildward Croes

y ta ser spera di ta ariba mercado pa fin di otro siman.

E CD lo ta obtenibel cerca tur integrante di Grupo di Betico y na disco-tiendanan. Pa pedido of mas informacion por manda e-mail na Aruba@email.com of yamando: 592 0251 (Leoncio) / 592 6460 (Gos).